



## **REDE FETO TIMOR-LESTE**

Rua Caicoli Dili Timor-Leste

Kompleks Edificio Obrigado Barracks, Caicoli-Dili

Tel. (+670)3312841 / 77236783 redefeto@yahoo.com

---

Exelentísima, Laura Pina, Sekretária Estadu Igualdade Jéneru no Inkluzauun Sosiál

Exelentísima, Deputada Veneranda Lemos, antiga Sekretária Estadu, Apoiu no Promosaun Sósio-Ekonómika Feto nian

Minhas Senhoras e Meus Senhores,

Onra bo'ot id abele ham'riik iha ne'e, no ho ita boot sira nia permisaun ha'u bele koalía liafuan ida rua.

Situasaun atuál hatudu preokupasaun boot hosi sosiedade tomak, kona-ba partisipasaun feto iha governasaun liuliu VII Governu Konstitusionál.

Luta ba feto, la'os de'it atu konkista espasu, atu sai ministra ka sekretária estadu, maibé importante liuhotu mak espetativa ne'ebé feto atu alkansa, hodi fó benefísiuba povu la'os ba nia aan rasik. La iha interese de conflito, tane aas bem comum ho espíritu nasionalista.

Luta ba feto tenke ho perspektivu ba ekuidade jéneru. Ho ótika ne'ebé luan hodi haree ba asuntu sira ne'ebé feto infrenta, la basta de'it feto iha vida polítika maibé fó mós alta konsiderasaun ba feto no sosiedade nia saúde, edukasaun, pobreza, violénsia, idozu, joven, ema ho defisiénsia física, kuidadu no família, seguransa, seguransa ai-han, empregu, ekonomia nsst.

Dalan no meius luta ba feto mak, oinsá asegura *mecanismos legais* sira ne'ebé iha ona no estabelese polítika no sistema atu asegura mekanizmu sira hodi implementa ho efetividade no efikas.

Polítika Igualdade Jéneru no Inkluzauun Sosiál, ida ne'e mak ita hotu nia mehi. Durante ne'e asuntu igualdade jéneru jenériku liu, no dala ruma defísil atu implementa ho efetividade no efikás, maibé ho polítika ida ne'e diskrimina ona, partikulariza ona oinsá igualdade rasional ho inkluzauun social. Oinsá segementu sira liuliu ema ho vulnerabilidade bele asesu ba pilítikas públika ho forma oportunu, seguru no asesível tuir nesesidade ema idaidak nian ba bem-estar. Asisténsia no implementasaun polítika ida ne'e tenke vizível no notável liu hosi sistema ida ke apropriadu no aseitável.

Rede Feto Timor-Leste, uma-fukun ida, ho nia riin mak Organizasaun Membru sira, ho nia natureza, atu haforsa no asegura enkuadramentu legal Estadu ne'ebé sensível ba jéneru, liuhosi servisu advokasia, hakbiit no haforsa nia Organizasaun Membru liuhosi kapasitasaun, no servisu hamutuk ho entidade hotu atu hasa'e sensibilizasaun ba igualdade jéneru iha rai doben ida ne'e.

Rede Feto TL sempre pronto atu kontribui ba desenvolvimentu estadu nasaun Timor-leste iha aspetu saida de'it no iha ne'ebe de'it.

Ba Sua Exelénsia, antiga Sekretária Estadu, Apoiu no Promosaun Sósio-Ekonómiku Feto nian, Deputada Veneranda Lemos, misaun feto nian nunca akaba durante istória umanidade no durante feto nia vida tomak. Rede Feto apresenta *votus de sucessos* ba misaun tuir mai no profunda gratidaun ba misaun konkluida.

Atuál Sekretária Estadu Igualdade Jéneru no Inkluzauun Sosiál, Sua Exelénsia Laura Pina, *votus de felicitação ao cargo indicado*, e sinceros parabens. Conte conosco nessa sua novajornada, como desde já somo parseiras fortes, continuaremos ser parseiras para o alcance e o desenvolvimento da mulher e do nosso Timor.

Grato pela vossa atenção e

Bem hajam